

«Т А С Д И Қ Л А Й М А Н»  
Қорақалпоғистон Республикаси Бандлик  
ва меҳнат муносабатлари вазирлиги  
“Комплаенс назорат” шўъбаси бош  
мутахассиси



Қ.Қалендеров

2023 йил

Қорақалпоғистон Республикаси Бандлик ва меҳнат муносабатлари вазирлигининг  
“Комплаенс назорат” шўъбаси

Б А Ё Н И 4

« 30 » Декабрь 2023 йил

Нукус шаҳри

Райислик қилувчи:

“Комплаенс назорат” шўъбаси бош  
мутахассиси Қ.Қалендеров

Котиб:

инспектор ёрдамчиси Н.Сарыбаева

Қатнашганлар:

Қорақалпоғистон Республикаси  
прокуратураси катта ёрдамчиси  
О.Э. Ниёзметов, Нукус шаҳар прокурори  
ўринбосари Қ.Асанов  
Вазирлик бўлим бошликлари ва тегишли  
бўлим ходимлари

**КУН ТАРТИБИ:**

Қорақалпоғистон Республикаси Бандлик ва меҳнат муносабатлари вазирлиги  
тизимида « Коррупцияга қарши кураш» масалалари

Кун тартибидаги масала бўйича йиғилиш Қорақалпоғистон Республикаси Бандлик ва меҳнат муносабатлари вазирлигининг “Комплаенс назорат” шўъбаси бош мутахассиси Қ.Қалендеров очиб берди ва Қорақалпоғистон Республикаси прокуратураси катта ёрдамчиси Ниёзметов Отабек Эркинбой ўғлига сўз берди.

Қорақалпоғистон Республикаси прокуратураси катта ёрдамчиси Ниёзметов Отабек Эркинбой ўғлининг сўзида, коррупцияга қарши курашиш Ўзбекистонда давлат сиёсатининг энг устувор йўналишига айланиб улгурди. Буни сўнгги йилларда соҳага оид қабул қилинган концептуал аҳамиятга эга норматив-ҳуқуқий ҳужжатлар, коррупцияни олдини олишга қаратилган маъмурий ислохотлар мисолида ҳам кўриш мумкин. Жумладан, коррупцияга қарши курашиш самарадорлигини оширишда Ўзбекистон ислохотларининг асосий ҳужжати ҳисобланган Ўзбекистон Республикаси Президенти ташаббуси билан қабул қилинган 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг аҳамияти катта ҳисобланади деб атаб ўтди.

Шунундек, мамлакат тараққийетининг энг муҳим йўналишлари белгиланган Харакатлар стратегиясининг Қонун устуворлигини таъминлаш ва суд-ҳуқук тизимини янада ислоҳ қилишнинг устувор йўналишида бевосита коррупцияга қарши курашишнинг ташкилий-ҳуқуқий механизмларини такомиллаштириш ва коррупцияга қарши курашиш тадбирларининг самарадорлигини ошириш муҳим вазифалардан бири сифатида белгиланганлигини энг аввало, шунини таъкидлаш ўтин жоизки, коррупцияга қарши курашнинг сифат ва сон жиҳатдан мутлақо янги даражага кўтарилиши Ўзбекистон Республикаси Президенти Шавкат Мирзиёевнинг сиёсий иродаси маҳсулидир. Жумладан, давлат раҳбарининг жамиятни «ҳалоллик вакцинаси билан эмлаш» зарурияти ҳақидаги фикрлари бу борадаги ишларга қўйилган тамал тоши десак, асло муболага бўлмайди. Зеро, Президент 2020 йилнинг 24 январь кунини Ўзбекистон Республикаси Олий Мажлисига қилган Мурожаатномасида таъкидлаганидек, «Жамиятимизда коррупция иллоти ўзининг турли кўринишлари билан тараққийетимизга ғов бўлмоқда. Бу ёвуз балонинг олдини олмасак, ҳақиқий ишбилармонлик ва инвестиция муҳитини яратиб бўлмайди, умуман, жамиятнинг бирорта тармоғи ривожланмайди» деп кўрсатилганлигини айтиб ўтди.

Нукус шаҳар прокурори ўринбосари Қ.Асанов сўзга чиқиб, соҳада норматив-ҳуқуқий базани тизимли равишда такомиллаштириб бориш чоралари кўрилмоқда. Фикримизнинг исботи ўларок, коррупцияга қарши кураш борасидаги қонуннинг кучга киргани, шунингдек турли қонуности ҳужжатларининг қабул қилинганини келтириш мумкин. Хусусан, 2017 йил 3 январь кунини Ўзбекистон Президенти Шавкат Мирзиёев «Коррупцияга қарши курашиш тўғрисида»ги қонунни имзолади. Ушбу Қонуннинг мақсади коррупцияга қарши курашиш соҳасидаги муносабатларни тартибга солишдан иборат бўлиб, унда «коррупция», «коррупцияга оид ҳуқуқбузарлик», «манфаатлар тўқнашуви» каби асосий тушунчаларга изох бериш билан бир қаторда, коррупцияга қарши курашишнинг асосий принциплари ҳам қайд этилган. Шунингдек, қонун билан коррупцияга қарши курашиш борасидаги давлат сиёсатининг асосий йўналишлари, ваколатли органлар тизими, фуқароларнинг ўзини ўзи бошқариш органлари, фуқаролик жамияти институтлари, оммавий ахборот воситалари ва фуқароларнинг мазкур соҳадаги иштироки, коррупциянинг олдини олишга доир чора-тадбирлар, жазо муқаррарлигини таъминлаш ва бу борада халқаро ҳамкорликни таъминлаш каби чоралар мустаҳкамлаб қўйилди.

**биринчидан,** чора-тадбирларнинг самарали амалга оширилиши учун маҳсуе давлат органи ташкил этилиб, бу борадаги давлат сиёсатининг институционал асослари такомиллаштирилди. Хусусан, Ўзбекистон Республикаси Президентининг «Ўзбекистон Республикасида Коррупцияга қарши курашиш тизимини такомиллаштириш бўйича қўшимча чора-тадбирлар тўғрисида»ги Фармони қабул қилинди. Фармонга мувофиқ, коррупциянинг олдини олиш ва унга қарши курашиш соҳасидаги давлат сиёсатини, шунингдек коррупцияга оид ҳуқуқбузарликларнинг тизимли сабаб ва шарт-шароитларини бартараф этиш ҳамда коррупцияга қарши курашиш чораларининг самарадорлигини оширишга қаратилган давлат ва бошқа дастурларни шакллантириш ва амалга ошириш мақсадида Коррупцияга қарши кураш Агентлиги ташкил этилди. Агентлик фаолиятининг ҳуқуқий асослари, вазифа ва функциялари, ҳуқук ва мажбуриятларини белгилашда халқаро нормаларни илгари сурган ҳолда хорижий тажриба атрофлича ўрганилди. Унинг энг мақбул жиҳатлари Президентнинг мазкур фармонида тўлақонли аке эттирилди. Шунингдек, Ўзбекистон Республикаси коррупцияга қарши курашиш Миллий кенгаши ва унинг ҳудудий кенгашлари ташкил этилди.

Ушбу ислохотлардан кўзланган асосий мақсад, бу-коррупция иллатларига барҳам беришдан иборат.

**Иккинчидан,** барча давлат ва жамоат ташкилотларини, мамлакат миқёсида амалга ошириладиган чора-тадбирларни ўз ичига камраб олувчи давлат дастурлари қабул қилинмоқда. Жумладан, Ўзбекистон Республикаси Президентининг 2017 йил 2 февралдаги Қарори билан 2017-2018-йилларда коррупцияга қарши курашиш бўйича биринчи Давлат дастури қабул қилиниб, унинг ижроси доирасида аниқ чора-тадбирлар амалга оширилди. Бу ислохотларни давом эттирган ҳолда, 2019 йилнинг 27 май куни Ўзбекистон Республикаси Президентининг «Ўзбекистон Республикасида коррупцияга қарши курашиш тизимини янада такомиллаштириш чора-тадбирлари тўғрисида»ги Фармони билан 2019–2020 йилларда коррупцияга қарши курашиш бўйича навбатдаги Давлат дастури тасдиқланди. Бу борадаги сўнги қадамлардан бири сифатида 2021 йили 6 июль куни «Коррупцияга қарши муросасиз муносабатда бўлиш муҳитини яратиш, давлат ва жамият бошқарувида коррупциявий омилларни кескин камайтириш ва бунда жамоатчилик иштирокини кенгайтириш чора-тадбирлари тўғрисида»ги Президент Фармони билан тасдиқланган Коррупцияга қарши курашиш бўйича 2021–2022 йилларга мўлжалланган Давлат дастурини келтириш мумкин. Унда 44 та чора-тадбир кўрсатиб ўтилган бўлиб, ижро муддатлари, масъул ижрочилар, ижро механизми аниқ белгилаб қўйилган"лиги ҳақида батафсил маълумот бериб тушунтириш ишларини олиб борди.

**Юқоридагиларни инобатга олиб вазирликнинг “Комплаенс назорат” шўъбаси умумий йиғилиш**

#### **Қ А Р О Р   Қ И Л А Д И:**

1. Ўзбекистон Республикаси Президентининг 2020 йил 29 июн кунги «Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида»ги ПФ-6013-сонли Фармон ижроси таъминлансин.

2. Вазирлик тизимидаги барча ходимларига

- коррупцияга оид ҳуқуқбузарликларнинг олдин олишга, уларни аниқлашга, чек қўйишга, шунингдек, уларга шароит яратиб берувчи сабабларни бартараф қилиш чораларини кўрсин.

- коррупцияга боғлиқли ҳуқуқбузарликларнинг пайдо бўлиш ихтимоли сезилганда тезлик билан ўз раҳбарларини ва ҳуқуқни муҳофаза қилувчи органларни хабардор қилиш топширилсин.

3. Ушбу йиғилиш баёнининг ижросини таъминланишин ўзимда қолдираман.

**Йиғилиш котиби:**



**Н.Сарыбаева**